



partii naleraq

10.okt 2019

UKA2019/139

**Peqqinnissaqarfiup aqunneqarnera, aqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu nalunaarusiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarutip minnerpaamik imarissavai atorfiup illersugaanera aammalu katsorsartittut pisinnaatitaaffii pillugit aalajangersakkat. Soqutigisaqartut attuumassuteqartut nalunaarutip imarisassaanik suliaqarnermi akuutinneqassapput.**

(Inatsisartunut ilaasortaq Aqqa Samuelsen, Inuit Ataqtigiit)

Inatsisartunut ilaasortaq Aqqa Samuelsen Inuit Ataqtigiit siunnersuuteqarpoq Peqqinnissaqarfiup aqunneqarnera pillugu aammalu peqqinnissamut tunngasutigut sullissisut taavalu tarnip pissusaanik ilisimassallit pillugit nalunaarusiornissamik siunnersuut saqqummiunneqartut pillugit oqaasissagut saqqummiutissavagut.

Nunatsinni peqqinnissaqarfiup iluani aammalu suliffiit peqqinnissamut attuumassuteqartut soorunami isumannaatumik sullissillutik kiffartuussinissaat tamatta kissaatigissagippat qularnanngivippoq.

Peqqinnissaqarfiup iluani sullissinerit eqqarsaatigalugit ajuusaarnartumik sumiiffimmiit sumiiffimmut assigiinngitsorujussuusarnerat inunnt napparsimasunut aammalu napparsimasimalersimasunut tusartakkagut ilaatigut assut ernumanartarput. Napparsimasut piffissami sivisuumi nakorsiartuaraluarlutik nappaamminnik paasisaqarfigineqarneq ajortut ajoraluartumik amerlasuujusut tusarpagut. Tamannalumi ingerlaaseq toqqissisimanangilaq pingaartumik napparsimalersimasut eqqarsaatigalugit.

Tassanilu isumaqarpugut inuit napparsimalersimasut sukumiisumik nappaamminnik paasisaqarsinnaanerisa tungaanut misissuilluarnerit ingerlattariaqartut tassami assut inunnt eqqorneqarsimasunut ilaqutaannullu oqimaatsorujussuusarput nakorsiartuaraluarlutik ajunngilatimik oqarfigineqartartartut ilaatigut pilerinnassavaat ikiorneqarsinnaajunnaareersimallutik pissutsit taamaanerat ilungersunartutut tigullugu suleriesissamik pitsaanerusumik aqqissuussisoqartariaqalerpoq.

Aammalu katsorsarneqartut sukumiisumik sullinneqarnissaat aammalu pitsaasumik ataqqinartumillu napparsimanerminni isumannatsumik sullinneqarnissaat pingaartorujussuusoq oqaatigissavarput.

Napparsimasut illersugaallutik katsorsarneqartarnissaat tamatta pingaartilluinnarparput taamaattumik uani siunnersuummi toqqammavinnik tarnit pillugit ilisimasallit eqqarsaatigalugit nalunaarummik tunuliaqutaqalernissaat isuma soqutiginarparput aamma inuit katsorsaanermik suliallit illersugaallutik pinissaat tassani qulakkeerqassammat.

Uani Naalackersuisut saqqummiussaanni erarissumik ajuusaarlutik siusinnerusukkut nalunaarusiortoqarsimanginnera pillugu tamanna tusaatissatut tigugatsigu. Tassami sapinngisamik sinaakkutaqarnissaq inummut sullissisumut aamma katsorsarneqartumut pingaaruteqartoq ilisimavarput. Naalackersuisuillu oqariartuutaat tassalu torersumik pitsaasumillu tamakku suliaasariaqartut taperserparput.

Taamatut oqaaseqarluta Naalackersuisut allannguutissatut siunnersutaat tassalu 2020-mut ukiaanut misissuinissaq siunnerfigalugu tarnip pissusaanik ilisimasallit pillugit nalunaarutiliorsinnaaneq saqqummiussaata taperseratsigu.

Taamatut oqaaseqarluta ataatsimiititaliami suliarineqarnissaat innersuussutigaarput.

Hans Enoksen